

燈奉用追薦亡過某人形魂恭以普掠地獄一切冥官廣賜慈悲普垂開度伏願鞭箠永息拷掠常停魂儀勿落於刀山身體不掛於劍鏢使其幽扁輝耀地獄澄清後度冥魂早超明境謹懺中央普掠地獄之難所有符命謹當告下

奉上下方救苦尊

一心皈命十方界 尋聲赴感救苦尊
引此燈光照中央 普掠地獄悉開解
所有難垂諸罪垢 願闡聖號悉消除

天專哀憫救群迷 一切冥魂生天界
和不可思議功德

諷經 向來 回向

伏以神燈照耀九獄開明三天啓極拔之門
衆聖降慈悲之澤向來闡讚神燈伏願乘此
功德解脫牢關萬罪祛除百神來衛九天仙
樂迎歸妙化之堂三洞靈樞導引超生之路
仰憑道力為上良緣念
太乙救苦天尊無量不可思議功德
黃籙破獄燈儀終

黃籙五苦輪燈儀

法事如式 啓白

伏以原夫妙本先天圖方定位聚輕清而屬乾蓋凝重濁而作坤與大矣崑崙之墟為地輪之較群仙輻輳環海周流顯厚載之元功建廣生之大德復有三十六地九壘六陰浩蕩頑空風輪水際實長冥之暗域乃委夜之昏衢鎖滯魄於幽牢閉亡魂於黑獄重重考掠日日無停楚毒備經何由超度罪惡而輪迴五道愆深而責役三塗若非大道之洪恩難濟幽沉之苦趣是以元皇設教太上垂科啓法輪薦福之場演明燈破暗之式選神五道照燭九幽廓昏翳於重陰散祥光於陽界普令幽爽咸遂往生速超清淨之鄉徑達無為之界今某人依盟真玉匱點迴權輪燈奉為超度亡過某人形魂及諸苦裏承此慈光出離苦趣六根清淨萬罪蕩除泊乎九祖七玄四生六道盡超幽暗俱入光明法界歸依無極大道

舉尊聲救苦天尊

第一輪迴之道名色累苦心門恣情縱慾淫色蕩心謝世之後受刀山地獄之苦今齊官某人然點神燈追悼亡過某人下資六道同證生方伏願
九清鑒映三景回光俯垂慈惠之仁下濟刀山之苦

悲夫刀山地獄苦 戕戕雪刃骨寒空
牛頭驅逐使登攀 骨肉紛紛隨刃落
良由色累勞心苦 足履刀山被刑傷
仰願慈悲救苦尊 願大威神摧鋒刃

和不可思議功德

第二輪迴之道名為愛累苦神門愛染諸慾喪亂神魂身謝之後受劍林地獄之苦今某人然點神燈追悼亡過某人形魂下及六道同證生方伏願

大羅真宰浩劫元尊大捨慈悲廣垂開度謹懺刀林地獄之苦
稽首大羅天中主 玉京金闕元始尊
威光普照劍林中 雪刃霜鋒悉斷壞
辛酸苦楚得停息 骨肉筋傷復完全

輪燈引照出幽關 速遂超昇極樂界

和不可思議功德

第三輪迴之道名為貪累苦形門貪名徇利
氣耗形衰身謝之後受銅柱地獄之苦今齊

官某人然點神燈追悼亡過某人形魂上生

天界下及六道同證生方伏願

玉虛至聖金闕高尊普降洪恩下遷幽爽謹

懺銅柱地獄之難

仰啓高虛萬天聖 願垂洪造拯幽途

滂流惠澤灑焦勞 銅柱炎焰咸消滅

受苦眾生皆解脫 從前冤對總停休

燈光迴照出幽關 開度亡魂生天界

和不可思議功德

第四輪迴之道名為華競苦精門貪競榮華

神勞氣散命謝之後受鑊湯地獄之苦今齊

官某人然點神燈追悼亡過某人上生天界

下資六道同證生方伏願

無為真宰自然至尊拯拔幽途垂光下照謹

懺鑊湯地獄之難

憫嘆幽塗地獄苦 洋湯沸鑊浪波流

窮魂苦爽被煎熬 骨肉肢膏悉糜爛

惟願無為聖尊主 廣開大宥赦諸愆

輪燈迴耀照重泉 得遂逍遙生快樂

和不可思議功德

第五輪迴之道名為身累苦魂門處身世務

寵辱常驚心役營纏魂神受苦命奄泉局之

後受捷汲溟波之苦今齊官某人然點神燈

追悼亡過某人形魂上生天界伏願

上上高真皇皇大帝願大威德拔度沉淪謹

懺捷汲溟波之難

歸命三清三界上 慈悲應感救苦尊

願迴龍駕降鄧山 拔度三塗五苦難

所有寒波穢濁浪 變作澄清甘露漿

此夜追修憑道力 燈光普照破重泉

和不可思議功德

舉轉輪聖王天尊

誦經 宣疏 念善回向

伏聞天尊聖力救拔諸眾生元始靈文能消

一切罪向來然點三塗五苦迴耀輪燈誦誦

真經化育錢馬無盡良因奉為齊官某人延

奉冥司仰祈思命超度亡過某人形魂上生

天界下資孤爽同證生方伏願燈燈相照獄

獄停闕早登天上之天不墮地中之地仰憑

道力為上良緣念

太乙救苦天尊無量不可思議功德

黃錄五苦輪燈儀終